

## **Publicaziuns officialas dils 22 da mars 2024**

### **Vischnaunca Trun**

#### **Damonda da baghegiar**

**Datum da publicaziun: 22-03-2024**

Petent: Magnus Klaiss, Rainstrasse 28, 8808 Pfäffikon  
Representanza: Cavelti Gebäudetechnik, Via Sogn Martin 18, 7166 Trun  
Object: Montascha d'ina pumpa termica d'aria sin parcella 1858 a Caltgadira.  
Zona: Zona dil Vitg (V)

#### **Protestas:**

Ilis plans ein deponi en canzlia communal. L'investa publica cuoza 20 dis dapi il datum da publicaziun. Protestas ein d'inoltrar en scret enteifer 20 dis dapi la publicaziun alla suprastanza communal Trun.

*Administraziun communal Trun*

#### **Avertura officiala digl onn festiv centenar**

Preziadas convischinas, preziai convischins

Sonda, ils 30 da mars 2024 ha liug allas 14.00 l'avertura officiala digl onn festiv «Sut igl ischi 2024». L'entschatta vegn dada – sco ei s'auda – sut igl ischi el curtin d'honor sper S. Onna. En til communabel serendin nus silsunter en la Cuort Ligia Grischa, nua che la vernissascha dallas exposiziuns d'uonn «Sogn Gieri 1698» ed «Exposiziun d'art GRISCH» han liug. L'avertura vegn accompignada da plaids festivs, cant e musica.

Tuttas convischinas e tuts convischins ein cordialmein envidai.

*Gruppa da lavur Sut igl Ischi 2024*

*Suprastanza communal Trun*

#### **Informaziun per apiculturs e menaschis purils da hobi**

La registraziun da datas sa aunc vegnir fatga entochen ils 3 d'avrel 2024 tenor la brev che vus haveis retschert digl uffeci d'agricultura cantunal. Sch'enzatgi drova agid, sche saveis vus s'annunziar tier il gerau d'agricultura Lucas Arpagaus, tel. 079 609 51 43.

*Suprastanza communal Trun*

## **Deponia da cumpostar Ogn**

Preziadas convischinas. preziai convischins. La deponia ei puspei aviarta naven da mardis, ils **2 d'avrel 2024**.

### **Uras d'avertura:**

Mardis naven dallas 17.00 – 19.00

Gievgia naven dallas 17.00 – 19.00

Sonda naven dallas 10.00 – 12.00 e naven dallas 14.00 – 16.00

Ei basegna negina clav per entrar durant il temps fixau en la deponia. Durant igl ulteriur temps resta la deponia serrada. L'administraziun communal sa buca survir cun dar ora clavs ordeifer il temps definau.

La deponia vegn surveglada tras signur Manuel Maissen. Nus supplichein la populaziun da setener vid las directivas dil surveglader dalla deponia.

Igl ei scumandau da deponer curdems sin ulteriur territori. Deponias illegalas vegnan castigadas.

*Suprastonza communal Trun*

## **Annunzia per la scoletta 2024/25**

Il scriver cul talun d'annunzia han ils geniturs dils affons dall'annada 2019 obteniu quels dis.

Ils affons dall'annada 2018 che han gia frequentau in onn scoletta valan sco annunziai.

En cass che Vus retscheveis negin scriver ni che Vus haveis ulteriuras damondas astgeis Vus bugen contactar nus durant las uras da spurtegl (mardis dallas 13.30 – 16.30 e gievgia dallas 8.00 – 12.00) sut il numer da telefon 081 936 33 04.

*Consorti da scola Sumvitg-Trun*

## **Introducziun register funsil federal Trun**

### **Exposiziun publica dil register funsil purificau**

Il register funsil federal purificau pertuccond las immobilias sin intschess dalla vischnaunca da Trun (excepiu beins immobiliars tenor plans dil register funsil nrs. 5 – 7 e beins immobiliars nrs. 1834 e 1836, per ils quals il register funsil federal ei gia en vigor) vegn exponius publicamein sin fundament dil art. 18 dall'Ordinaziun dil register funsil el cantun Grischun (KGBV; BR. 217.100) naven dils **22 da mars 2024 entochen ils 22 da matg 2024** tier igl Uffeci funsil Cadi. L'investa succeda sin preannunzia telefonica (081 920 33 44).

Protestas encunter il register funsil purificau ein d'inoltrar en scret e motivau enteifer il temps d'exposiziun tier igl Uffeci funsil Cadi, Via Sursilvana 18, 7180 Disentis/Mustér.

7180 Disentis/Mustér, 22 da mars 2024

*Uffeci funsil Cadi*

*igl administratur, Martin Monn*

## Grundbuchanlage Trun

### Öffentliche Auflage des bereinigten Grundbuches

Das bereinigte Grundbuch über die Grundstücke auf Gebiet der Gemeinde Trun (mit Ausnahme der Grundstücke auf den Plänen für das Grundbuch Nrn. 5 - 7 und Grundstücke Nrn. 1834 und 1836, für welche das eidgenössische Grundbuch bereits besteht), wird im Sinne von Art. 18 der Verordnung betreffend das Grundbuch im Kanton Graubünden (KGBV; BR 217.100) vom **22.**

**März 2024 bis 22. Mai 2024** beim Grundbuchamt Cadi öffentlich aufgelegt. Einsichtnahmen können telefonisch vereinbart werden (Tel. 081 920 33 44).

Einsprachen gegen das bereinigte Grundbuch sind schriftlich und begründet innert der Auflagefrist beim Grundbuchamt Cadi, Via Sursilvana 18, 7180 Disentis/Mustér, einzureichen.  
7180 Disentis/Mustér, 22. März 2024

*Grundbuchamt Cadi*

*Der Grundbuchverwalter, Martin Monn*

### Di dallas portas aviartas

Bugen envidein tut tgi che ha gust e peda a nies di dallas portas aviartas. **Sonda, ils 23 da mars 2024**, dallas 9.30 - 11.30 e dallas 17.00 - 19.00. Ei dat caffè e cornets, suc ed aua ed in migiel vin. Il team dallas bibliotecaras selegra sin vus